

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

XVIII. Approbatur Decreta a Congregatione Ceremoniali particulari edita  
pro Archiepiscopis, sive Episcopis, & Præsidibus; Gubernatoribus ac  
Vice-Legatis per Ditionem Ecclesiasticam constitutis. 15. ...

---

[urn:nbn:de:hbz:466:1-74696](#)

ANNO  
1741.

Dat. die 23.  
April. 1741.

tions munitis, eadem prorsus fides ab omnibus, & ubique tam in Judicio, quam extra illud habeatur, quae ipsis praesentibus haberetur, si forent exhibita, vel ostensa.

Datum Roma apud S. Mariam Majorem sub Annulo Piscatoris die XXII. Aprilis MDCCXL. Pontificatus Nostri Anno I.

D. Cardinalis Passioneus.

XVIII.

Approbantur Decreta a Congregatione Cœrimoniali particulari edita pro Archiepiscopis, five Episcopis, & Præsidibus, Gubernatoriis, ac Vice-Legatis per Ditionem Ecclesiasticam constitutis.

### BENEDICTUS PAPA XIV.

*Ad perpetuam rei memoriam.*

Honores ab Antistitibus,  
& Præfulibus invicem  
deferendi, a  
Romanis  
Pontificibus  
præscripti.

Abusus ea in  
re aborti.

Quos Ponti-  
fex tollere  
intendit.

Decreta a  
Cōgregatio-  
ne particula-  
ri super eo  
edita, appro-  
bantur, &  
cōfirmantur.

Clauſulae fa-  
lūtareſ.

Decretum  
irritans.

Derogatio  
contrariaſ.

Exemplorum  
fides.

Quod Apostolus uiversis Christifidelibus confubebat, ut inter cetera Officia sibi pariter exhibenda, honore etiam se invicem prævenirent, & honorem tamquam debitum, cui deferendus esset honor, redderent; id maxime ab Antistitibus, & Præfulibus vicim inter se, in mutua tam civilium, quam sacrorum Officiorum exhibitione, præstandum esse intelligentes Romani Pontifices Praedecessores Nostri, per Cœrimoniale Episcoporum, juxta uniuscujusque Ordinis, gradus, & dignitatis conditionem, Leges, & Statuta, quibus integerrimè servatis, & unicuique ratio haberet, & nemini inferretur præjudicium, sapientissimè præscriperunt.

§. 1. Quoniam autem quodam abusus in horibus sibi invicem deferendis inter Venerabiles Frates Archiepiscopos, & Episcopos ex una, & inter Dilectos Filios Provinciarum Status nostri Ecclesiastici Praefides, Gubernatores, Prælatos, & Apostolicos Vice-Legatos ex altera parte, quocunque pacto, ac tempore etiam immemorabilis irrepsite jamdudum, etiam dum in minoribus essemus, noveramus, ut eosdem penitus adimeremus, ne ulla umquam in posterum querelis, ac disidiis inter utrosque forsan orientibus pateat aditus, nonnullis ex Venerabilibus Fratribus Nostris S. R. E. Cardinalibus, qui Congregationibus Sacrorum Rituum, & Cœrimoniarum præpositi sunt, negotio dedimus, ut Leges, & Instituta Cœrimonialia pro corrigendis, & auferendis iisdem abusibus opportuna, & salutaria conderent.

§. 2. Hujusmodi vero Leges, & Instituta Cœrimonialia ab iisdem Cardinalibus præcripta, & a Nobis inspecta cum probassimus, quo firmius subsistant, & serventur exactius, tenore præsentium, Apostolica auctoritate approbamus, & confirmamus, atque ab omnibus, & singulis, ad quos spectat, & in futurum spectabit in omnibus, & per omnia plenissime suffragari. Sicque in præmissis per quoscumque Judges Ordinarios, & Delegatos etiam Caſarum Palati Apostolici Auditores, judicari, & definiiri debeat, ac irritum, & inane, si fecis super his a quoquam quavis auctoritate scienter, vel ignoranter contigerit attentari: Non obstantibus quibuscumque in contrarium præmissorum quomodo libet facientibus.

§. 4. Volumus autem, ut earundem præsentium Literarum transumptis, seu exemplis, etiam impremissis, manu alicuius Notarii publici subscriptis, & sigillo personæ in Ecclesiastica dignitate constituta munitis; eadem prorsus fides tam in judicio, quam extra illud adhibeat, quæ ipsis praesentibus adhiberetur, si forent exhibita, vel ostensa.

Datum Roma apud S. Mariam Majorem, sub Annulo Piscatoris die XV. Maii MDCCXL. Pontificatus Nostri Anno Primo.

D. Cardinalis Passioneus.

Leges, & Instituta Cœrimonialia edita pro Provinciarum Præsidibus, Gubernatoribus, Prælatis, & Apostolicis Vice-Legatis.

### DECRETUM.

CUM Sanctissimus Dominus Noster BENEDICTUS Papa XIV. ex Cardinalibus, qui Congregationibus Sacrorum Rituum, & Cœrimoniali præpositi sunt, quatuor selegisset, Eminentissimos nempti Rufum Sacri Collegii Decanum, Lercarium, Accorambonum, & de Gentilibus, ut ab eisdem uniforme statueretur Cœrimoniale a Provinciarum Præsidibus, Gubernatoribus Prelatis, & Vice-Legatis, in suis respectivis Provinciis, vel Civitatibus, Sanctitatem Sua prius approbante, posthac perpetuo, & inconcusse observandum; Ipsi Eminentissimi Patres pluribus idcirco præbabitis sessionibus, hac, quæ sequuntur, mihi peculiarius hujus Congregationis Secretario, Sanctitati Sua referenda demandarunt.

Factaque per me de infra scriptis omnibus Sanctitati Sua relatione, Sanctissimus non tantum ea approbat, verum etiam pro omnimoda illorum observationa publicari mandavit. Hac die 18. Aprilis 1741.

T. Card. Rufus Episcopus Ostien.  
& Velternen.

Loco ✡ Sigilli.

Ignatius Reali Secretarius.

### CAPUT PRIMUM.

Quonodo se gerere debet Præses, aut Gubernator, seu Vice-Legatus in primo accessu ad suam Provinciam, vel Civitatem: & quid, dum in ea permanebit, erga illarum Antistites.

STATIM ac Præses, vel Gubernator Prælatus venerit in Provinciam, vel Civitatem temporali sua jurisdictioni demandata, digniorum de sua familia mittet ad Archiepiscopum, five Episcopum inibi residentem; adventum suum patetificando, simulque significando se curaturali quamprimum, ut eum solenniori, quæ poterit formâ, publicè visitatum adest.

Officio perhumaniter accepto, non immorabitur Antistes hanc Præsidis, seu Gubernatoris publicam visitationem prævenire, invisens illum privatim amicèque sub noctem, brevioribus induit vestibus nigri coloris; ac inter eundum, ue quilibet Nunci forma devetetur, sciscitari dumtaxat curabit, an Domi existat: quo comperto, ascendet ad illum, qui eodem prorsus habuit erit indutus. In discessi respuet omnino Familiarium, atque luminum comitatum, ut privatae visitationis assumptam methodum non excedat. Præses autem, vel Gubernator pari sub forma Archiepiscopum, seu Episcopum continuò revisitabit, quamvis paucos post dies de hoc eodem visitationis actu sit ei publicè & solenniter satisfacturus.

Inminente itaque publicæ visitationis die, Præses, aut Gubernator illam Archiepiscopo, five Episcopo, mane pro Vesperi, & Vespri pro subsequenti mane renuntiabit; & dum ad Episcopale Palatum se transferet, in limine Portæ Familiares, in summitate vero Scalarum Antistitem ipsum, qui aliquos etiam gradus descendet, obviat habebit. Sicque comiter exceptus ad dexteram ipsius Antistitis in audiencia aulam introduceretur. Hinc, postquam ambo in æqualibus sedibus

et regione

ANNO  
1741.

Dat. die 15.  
Maii 1741.

ANNO  
1741.

è regione locatis affidentes, mutuis fere officiorum colloquio ad libitum recreaverint, discedentem Praesidem, aut Gubernatorem, Archiepiscopum, vel Episcopum usque ad finem Scalorum comitabitur; Familiares vero ipsius ad currum usque, non recessuri donec Praes, seu Gubernator prorsus abierit.

Pramissio item Nuncio, ut dictum est supra, diutius haud differet Archiepiscopus, sive Episcopus publicam restituere visitationem Praesidi, seu Gubernatori, qui occurreret tam per se, quam per Familiares, sedendo, & comiendo adamassim ea omnia servabit, quae idem Archiepiscopus, aut Episcopus in ejus visitatione secum peregerat.

Quod si, residente jam Praeside in Provincia, vel Gubernatore in Civitate, ad eam primò accederit novus illius Ecclesie Antistes; tunc istius erit ante de adventu suo certiorum reddere Praesidem ipsum, vel Gubernatorem, qui hujusmodi decepto officio, visebat quantocuyus eum, non jam privatè, sed enunciata sub forma publica: & ita ab Archiepiscopo, sive Episcopo subinde revisetur.

Advenientibus Natalitiis Domini Feriis, Praes, aut Gubernator perget primus ad Archiepiscopum, sive Episcopum, ut illas ei faustas felicissime adpreeetur: nec prætereundum quidquam tunc erit ex iis, quæ de prima publica visitatione dicta sunt. Idemque præstabit Archiepiscopus, seu Episcopus, quando Praesidem, aut Gubernatorem hoc omni vicissim erit prosequuturus.

Quanquam superius statutum sit, quod Archiepiscopus aut Episcopus Domini ponere debeat a dextris Praesidem, seu Gubernatorem, secus tandem extra Domum servabit; quia semper, & in quocumque tertio loco, cum ipse, tum ceteri Provinciae Antistes, dexteram lupra Praesidem, vel Gubernatorem retinebunt.

Quæ haecen pro Praesibus, & Gubernatoribus præscripta fuere, a Vice-Legatis etiam tam erga Archiepiscopum, quam Episcopos non Cardinales, in locis eorum ditioni subjectis erunt omnino adimplenda.

## C A P U T S E C U N D U M.

*Quo habitu induit Archiepiscopi, seu Episcopi, & Praesidis, sive Gubernatores mutuo publicas Visitations exequentur.*

Quotiescumque Archiepiscopus, vel Episcopus ad Praesidem, seu Gubernatorem diverterit, ut eum visebit in forma publica, sive ut in executione pro prima tantum vice Literarum Apostolicarum, Oratorium privatum in Palatio præfatorum Praesulum de novo erigendum approbet; supra talarem vestem capiet Mozzettam cum Rocchero discooperito. Et Domi comedem utetur habitu, dum accendentem ad se pro enunciatis publicis visitationibus Praesidem, seu Gubernatorem, aut Vice-Legatum suscipiet.

Archiepiscopus autem utens Cruce, nullatenus illam ante se deferri permettit in consumilibus actibus.

Talari etiam Veste, Rocchetto, & Mantelletto amictus erit Praes, sive Gubernator, vel Vice-Legatus publicè invisens Archiepiscopum, seu Episcopum; & quando eum pro publica visitatione, aliave de causa in publica forma advenientem, excipere debet.

## C A P U T T E R T I U M.

*De accessu Praesidis, aut Gubernatoris una cum Archiepiscopo, seu Episcopo Cappa induito, ad Metropolitanam, vel Cathedralē Ecclesiam, pro publicis solennibus Functionibus explendis.*

A nnuis solennioribus festis diebus recurrentibus, qui in capite primo Libri secundi Cœ-

remonalis Episcoporum enumerantur, videlicet: Nativitatis Domini Nostrí Jesu CHRISTI, Epiphaniae, Ascensionis, Pentecostes, Sanctorum Apostolorum Petri & Pauli, Assumptionis Beatae MARIAE Virginis, Ornatum Sanctorum, Dedicationis Ecclesiae Metropolitanæ, vel Cathedralis, Sancti Titularis illarum Ecclesiarum, & Patroni Civitatis, vel Festivitatibus aliis extraordinariis juxta peculiares locorum mores, & circumstantias, pari cum solennitate celebrandis; Praesidis, vel Gubernatoris erit sub horam ab Archiepiscopo, seu Episcopo designata, & per certum Nuncium ei patefactam, unâ cum Magistratu se conferre intra Januam Episcopii. Eo quidem tempore, & nullâ prorsus interpositâ morâ Antistitem gradus scalæ descendenter adinveniet, quem post debita urbanitas verba vicissim expleta, ipso Magistratu præente, usque ad Portam sive Metropolitanam, sive Cathedralis Ecclesiae comitabitur Praes, seu Gubernator, semper ad ejus finistrum latus incedendo.

Cum ambo in limine præfati ostii steterint, accipiet Archiepiscopus, sive Episcopus aspersorium, & postquam se lustrali aqua munierit, de illa primùm porriget per contacum aspersorii ipsi Praesidi, vel Gubernatori: sicut ante ingressum cujuscumque alterius Ecclesie, aut privati Oratorii pariter cum eo semper faciet: ac deinde Capitulum, Magistratum, & circumstantem Populum asperget.

## C A P U T Q U A R T U M.

*De adoratione Augustissimi Sacramenti, atque inde progressu ad Altare maius: ubi de loco, & sella Praesidis, seu Gubernatoris, aut Vice-Legati: ac de recessu a Metropolitanâ, vel Cathedrali, Sacris actionibus absolutis.*

A rchiepiscopus, sive Episcopus, asperzione completa, eo, quo venerat ordine, Eucharisticum Sacramentum in ejus Altari adoratum simul cum Praeside, vel Gubernatore prægreditur. Intra Cappellam, ubi illud asternari solet, genuflexcent ambo: Antistes super ligneo Scabello ( quod genuflexorum vocatur ) ante Altare accommodato, panno viridi, seu violaceo pro qualitate temporum cooperto; appositis pulvinaribus superiori, & inferiū. Praes autem, vel Gubernator in alio genuflexorio ex latere Evangelii præparato, violacei semper coloris panno, ac pulvinaribus instructo: non in æquali linea, sed per transversum locato; ac tali forma, ut illud Archiepiscopi, sive Episcopi respiciat; Ad Praesidi autem, vel Gubernatori dexteram erit Magistratus directo ordine super pulvinaribus tantum genuflexus.

Post debitam Sacramenti venerationem, præstituto jam ordine procedetur ad Altare maius: Parum distans ab eo Archiepiscopus, sive Episcopus, mutuis consutationibus fere dividet a Praeside, vel Gubernatore, qui, dum ille iterum oraturus ad suum faldistorium, ut in eo procumbat, accesserit, petet & ipse Residentiam suam hanc sub forma comparatam.

Prope, & inter Solium Pontificale, ac immobile consuetum scannum pro Magistratu, constituerit suppedaneum, unicus nempe ligneus gradus, in cuius planitie decens Sedes Cameralis collocabitur. A tergo autem ipsius Sellæ attolletur Postergale non præaltum palmarum septem aut octo, nec latum magis quam sex, quod panno coloris violacei, nulla auri, argenteive textura, sive ornatu distincto congettetur. Ante præfatum sedem congruum insuper apponetur genuflexorum, tapete, & pulvinaribus enunciati violacei coloris non absimiliter stratum, super quo Praes, aut Gubernator queat submittere genua. Haud tamen stabilis unquam, fixaque detinebitur inibi hujusmodi Residentia, sed sicut opportunè

ANNO  
1741.

A N N O  
1741.

apponenda, quoties Praeses, vel Gubernator sacris erit interfuturus actionibus, ita singulis vicibus illiciò removenda, Functionibus ipsis expeditis.

Quando pro Concionibus commodius audiendis, Archiepiscopo, vel Episcopo discedendum erit a sua Pontificali Cathedra fixa, ut proprium locum è conspectu sugesteti comparatum adeat; tunc, si pro ipso Archiepiscopo, seu Episcopo solium cum umbella fuerit ibidem erectum; pariter, & pro eodem Praeside, seu Gubernatore supradefcriptum Postergale cum gradu, & sella praestabatur. Si autem Baldachinum nequam fuerit Antifiti exhibitum, tali casu parabit absque postergali dumtaxat sella, alteri Antifititis prorsus uniformis, ac similis.

Quoniam vero juxta diversas locorum conuentudines contingere potest, ut seorsum ab Archiepiscopo, aut Episcopo, vel ipso etiam astante, Praeses, seu Gubernator, Divinis cum Magistratu interfuturus, ad aliquam Ecclesiam a Cathedrali, seu Metropolitana alienam divertere debeat: in hac etiam erit tunc prefata Residenzia pro Praeside, vel Gubernatore comparanda, modò sit in illa pariter erectus, & comparatus Thronus Pontificalis pro Archiepiscopo, five Episcopo; adeo, non erecto Pontificali Solio, neque Residencia unquam sit attollenda.

Ea tamen uti poterit Praeses, vel Gubernator, quoties aliquis Thesis disceptationis, aut literariis lusibus, consumilibusque publicis actibus, tamquam praecipuus & principalis Patronus, praeerit, licet eo tempore nec appositus, nec apponendus unquam sit Thronus pro Archiepiscopo, seu Episcopo.

Post exactas sacras Functiones, quibus una cum Archiepiscopo, five Episcopo cappa induo astiterit Praeses, vel Gubernator, repetendo augustissimi Sacramenti Altare pro fundendis in gratiarum actionem novis precibus ante illud, quidquid de primo accessu statutum fuit, ad unguem servabitur. Nullatenus tamen in discelso finet Archiepiscopus, seu Episcopus, se a Praeside, vel Gubernatore rursus perduci usque ad januam proprii Palatii, sed ab illo commeatum accipiet in lumine ipsius Ecclesie.

#### C A P U T Q U I N T U M .

*De Thube, ac Pace, Praesidi, seu Gubernatori, aut Vice-Legato deferendis: ac insuper de loco eorum, pro accipiendo Candela, Cineribus, & Palma; nec non de adoratione Crucis Feria sexta in Parafceve.*

Circa Thus, & Pacem omnimodo servabitur dispositio Ceremonialis Episcoporum, & Praes, vel Gubernator, five Vice-Legatus numquam erit thurificandus a Presbytro, Archiepiscopo, five Episcopo. Assistente, qui Antifitem ipsum in Vesperis officium facientem, aut iis, vel folleñibus ab alio celebratis Missis, apud Solium astantem thurificavit: Sed duplice ductu ipsum Praesidem, seu Gubernatorem, aut Vice-Legatum, post tres Canonicos in eodem Solio assentiam Archiepiscopo, vel Episcopo exhibentes, atque una cum eo individuum corpus efformantes, solùm debet incensare Minister ille, cui subinde ceteros Canonicos de Choro, licet sacris induitos paramentis, inerit onus thurificandi. Et iste modus, & ordo, quoad locum, & Personam, servabitur in delatione Pacis: Eam etenim Praes, vel Gubernator, aut Vice-Legatus, recipiet ab eo, qui distributurus mox erit illam enunciatis Canonicis in Choro existentibus.

Candelam in die Purificationis, & Palmam in distributione earum, Praesidi, seu Gubernatori, aut Vice-Legato dabit ipsem Archiepiscopo, five Episcopus; statimac, propriâ receptâ, alteram reddiderit digniori Canonico parato, a quo ipse suam prius receperat. Praeses autem,

aut Gubernator, seu Vice-Legatus, cum ascenderit ad Archiepiscopum, vel Episcopum, ut ab illo Candelam, seu Palmam accipiat, non genuflectet, sed stans ipsam capiet cum debitis osculis tum illius, tum manus Archiepiscopi, five Episcopi eam sibi porrigit.

Stans pariter recipiet Cineres ab Archiepiscopo, vel Episcopo, postquam hic eos imposuerit Canonico in illa die Missam cantaturo.

Feriâ sextâ in Parafceve, non celebrante Episcopo, Praeses, vel Gubernator, aut Vice-Legatus, ad Canonici officium facientis sinistram incedendo, ad adorandam Crucem procedet. Episcopo vero celebrante, ibit immediate post eum, ante omnes Dignitates, & Canonicos.

#### C A P U T S E X T U M .

*De generali Communione Feria quinta in Cena Domini, quoad habitum, locum, & ritum Praesidis, seu Gubernatoris, vel Vice-Legati.*

Quando Praeses, aut Gubernator, vel Vice-Legatus sit in Sacro Presbyteratus, seu Diaconatus ordine constitutus; quia multum decet, & convenit, ut cum aliis eo die communicet; adventante Communionis tempore, Cottam superinduerit Rocchetto, cum Stolane sumere, & a Collo, vel ab humero sinistro pendentem etiam habere debeat. Communionem primus omnium accipiet, & manu Archiepiscopi, five Episcopi ante illam oscularitur.

Si autem neutro fuerit charactere insignitus, cunctorum primus pariter ad communicandum procedet, Rocchetto, & Mantelletto tantummodo indutus.

#### C A P U T S E P T I M U M .

*De mutuis reverentis inter Ecclesiarum Antifitibus, & Praesidem, five Gubernatorem, aut Vice-Legatum: deque salutatione Concionatoris erga alterutrum.*

Pontificalis salutatio regulariter inter sacras actiones in eo consistit, ut manu aperta singulis benedicat: nihilominus, ut a communiciatorum, Fidelium cœtu, velut filiorum spiritualium Antifitibus subiectorum, distinguatur Praeses, five Gubernator, vel Vice-Legatus: sicut erga Canonicos servari jubet Ceremoniale Episcoporum Libro primo Capite decima octavo; oportebit, ut Archiepiscopus, seu Episcopus capitis inclinatione Praesidem, vel Gubernatorem, aut Vice-Legatum salutet, quoties ad sedem suam ascendere, seu ab illa descendere incipiet; eius Praeses, five Gubernator, vel Vice-Legatus communis bireto deposito affurgens, mutuam rependet salutationem, caput similiiter inclinando.

Verum enim vero in hujusmodi confaluntaribus exequendis, regula a laudato Episcoporum Ceremoniali eodem in capite designata omnino erit attendenda, videlicet: ut, dignitate gradus minimè attenta, sed præ oculis actionis modo, & commodo dumtaxat posito, reverentia semper fiat *primo ei, a quo disceditur, & ultimò ei, ad quem itur; nullo habito respectu quis eorum sit major*. Sicque qualibet præminentiarum, & præcedentiarum discrepantia, qua forsan Canonicos inter, & enunciatos Praeses fuisset unquam exorta, prorsus dirimetur.

Quos quidem reverentiales mutuos actus omittere necesse erit in Maturinis Tenebrarum, per integrum Feriam sextam in Parafceve, ac Sabato Sancto, usque ad solemnum Missam exclusivè: Sicut etiam in singulis Mortuorum Officiis, qua obvenire fortasse poterunt. Consentaneum quippe hoc erit legi, & praxi usque adhuc servata, abstinenti in præfatis conventibus etiam a benedictionibus tum solemnibus, tum privatis, & Cleri inferioris, & Populi circumstantis, ut-

potè

A N N O  
1741.

ANNO  
1741.

potè quæ sunt actus potestatis, & sollemnitatis, luctuosis hisce actionibus repugnantes.

Concionator verò salutationem hujusmodi inquam prætermittet, sive eadē Feriā sextā in Parafœve sermonem de Paſſione, sive de laudibus alicuius Defuncti post mortualem Missam sit facturus: prout in precitati Cœremoniis Episcoporum Libro secundo, Cap. 11, & 25. super utroque caſu decernitur: Et ideo poſt illam primo loco debitam Episcopo, vel Archiepiscopo, ſpeciatim versū Præfidem, seu Gubernatorem, aut Vice-Legatum, reverentiam aliam ſemper faciet.

## CAPUT OCTAVUM.

Præfidem, vel Gubernatori in inceſu variatur locus, quando Episcopus, vel Archiepiscopus fuerit ſacris Paragmentis induitus.

**Q**uod in superiori capite tertio ſtabilitum fixumque tuit circa locum Præfidis, seu Gubernatoris, accedens cum Epifcopo, sive Archiepifcopo ad Eccleſiam, & ab Altari auguſtissimi Sacraenti divertentis ad principem Aram, ut ſcilicet ad ſinistram ipſius Antiftis incederet, eft ſolummodo intelligentum, quando Archiepifcopus, vel Epifcopus fuerit ſola Cappā Pontificali induitus. Nam de cetero, ſi ſacrificiis indumentis exornatus proceferit, sive ut Deo ſacrificium offerat, sive publicis follemnibusque ſupplicationibus cum Pluviali interfit, ibi Praefes, aut Gubernator in habitu ſuo ordinario, hoc eft Mantelletto ſupra Rocchetum, non amplius ad ſinistram, ſed immediate poſt Archiepifcopum, seu Epifcopum.

## CAPUT NONUM.

De Archiepifcopi, ſive Epifcopi deſcenſo in Eccleſiam per Scalam interiorem, & privatam Portam.

**S**i ob aëris intemperiem, aut peragendaram Functionum qualitatem, ſeu ob aliam quamcumque cauſam, aptiorem commodioremque iudicaret Antiftis deſcenſum in Metropolitanam, ſeu Cathedram, tam obēundi gratia omnes illas ſacras actiones a Cœremoniis circumſcripas, quām alias ab eo minime definitas, per Scalam interiorem Palatii in ipsammet Eccleſiam porrigentem; Præfidis, aut Gubernatoris tunc erit, præſtitū ſub horā, unā cum Magiſtratu ad eam accedere, & in illa Antiftitem jam cappā indutum deſcendentem officiis verbis excipere, ac ſubindē comitari, prout ſupra fuſiū explicatum eft. Quia quidem obviaſio a ſolo etiam Magiſtratu erit explenda, Præſide, aut Gubernatore absentia.

## CAPUT DECIMUM.

Quod accedere debeat Magiſtratus, ut Archiepifcopo, ſeu Epifcopo interviriat, abſente Præſide, vel Gubernatore; ac generatim de loco illius in inceſu, adiſt vel abſit Praefes, aut Gubernator.

**M**agiſtratus ſecularis, quotiescumque legitimo impedimento detentus abſuerit Praefes, vel Gubernator, non ad oſtium Epifcopi tantum, ſed ſuperius ascendere debeat in Aulam, ſeu Cubiculum ab Archiepifcopo, vel Epifcopo ad hoc deſtinatum: Atque ibi præſtolari, ut cum, poſtquam fuerit opertus Cappā, progredientem ad Eccleſiam comiteſtur, & dedituc; procedet autem immediate ante illum, ſit qui-dem præſens, aut abſens Gubernator, aut Praefes.

Quod ſi fuerit Archiepifcopus utens Crucem, tunc Magiſtratus ibit immediate ante ipsam Crucem. Nullus enim inter eam, & Archiepifcopum incedere debet, cū ſit peculia-re ipſius inſigne.

CAPUT UNDECIMUM.  
Quid ſi Archiepifcopus, vel Epifcopus Cardinalitia præſet dignitate?

ANNO  
1741.

**S**i Archiepifcopus, ſive Epifcopus non Pontificali dumtaxat refulgeat potestate, ſed præter hanc Cardinalatus ſuperemineat dignitate, quoties Eminentia Sua erit deſcenſura in Eccleſiam, tempeſtivè Praefes, aut Gubernator aderit in ejus Aula, ſeu Cubiculo præſignato, ut in illius obſequiis comitatus ſit, cum progredietur: & tunī præente omnino Magiſtratu, per-mittet Cardinalis, ipſum Præfidem, aut Guber-natorem ad ſuī ſinistram incedere.

In limine Eccleſia, poſtquam Cardinalis Epifcopus, ſeu Archiepifcopus luſtrali ſe aqua signaverit, aspergitorum tangendum porrigit Præſidi, vel Gubernatori, qui deinde apud auguſtissimi Sacraenti aram genuſectet ſuper unico tantum pulvinari, quod ei præſtabitur in terra poſt Eminentiam Sua in conſueto genuflexorio procum-bentem.

Poſtergali prorsus amoto, Residentia pro ipſo Præſide, vel Gubernatore apud Altare majus relinqui poterit quoad cetera ornata genera, pro-ut in capite quartuſ describitur.

Si audiendi cauſa Conclaves exegerit commo-ditas, ut pro Cardinali aliud aptetur locus fer-mocinaturo propinquior: Eminentia Sua præſtanda quidem erit prænobilis Sedes ſupra lig-neum gradum tapete coniectum, non omiſſo, ut defuper dependeat Baldachinum. At Præſidi, ſive Gubernatori nil aliud, quām inferior Sella ſuper nude pavimento, & aliquantulum poſt il-lam Cardinalis locata, exhibebitur.

Conſueta Concionatoris reverentia unicè ad ipſum Cardinalem dirigetur: Quod generatim, & universè ab aliis etiam, sermonem quacumque de cauſa habentibus, præſente Cardinali erit inconcūſe adimplendum.

Sacris actionibus expeditis, niſi aliter Archie-pifcopo, ſeu Epifcopo Cardinali viſum fuerit, & Praefes, vel Gubernator, & Laicus Magiſtratus Eminentiam Sua iterum comitabuntur ad Cameram uſque, ſive Cubiculum, unde proce-dentem fuſceperant.

Providetur Abuſibus adverſus Jejunii Quadrageſimalis obſervantiam inveciis.

XIX.

Venerabilibus Fratribus, Patriarchis, Primatibus, Metropolitanis, Archiepifcopis, & Epifcopis uni-versis, gratiam, & communionem Sedis Apoſtoli-ce habentibus.

## BENEDICTUS PAPA XIV.

Venerabiles Fratres, ſalutem, & Apoſtolicam Benedictionem.

**N**ON ambigimus, Venerabiles Fratres, quin universis Catholica Religionis Cultoribus notum ſit, a tota poſt Christianum Orbem Eccleſia inter præcipua Orthodoxa disciplina capita perpetuo adnumeratum retineri Quadrageſimali Jejunium; quod olim in Lege, & Prophetis primitus adumbratum, ipſius Domini Noſtri Iefu Christi exemplo veluti conſecratum, ab Apoſtolis traditum, a Sacris Canonibus ubique preſcriptum, & ab universalis Eccleſia ab ipſo ſui primordio retentum, & obſervatum eft. Hoc nimirum, ut veteres tradiſere Patres, nobis quotidie peccantibus communis penitentie conſiſto remedio, per conſortium Crucis Christi, nos etiam aliiquid in eo, quod ipſe propter nos præſtit, agimus; ſimulque ad recolenda ſacra-toria Redemptioſis noſtræ mysteria, quæ per Dominicæ Paſſionis, ac Resurreciōniſis memo-riam, Quadrageſimali potiſſimum tempore ſol-

Jejunii Qua-drageſimalis origo, utili-tas, & ſco-pus.